

四庫全書

集部

欽定四庫全書

石倉歷代詩選卷二十六

明 曹學佺 編

初唐十三

劉憲

字元度宋州寧陵人

奉和聖製立春日侍宴內殿出剪綵花應制

上林宮館好春光獨早知剪花疑始發刻燕似新窺  
色濃輕雪點香淺嫩風吹此日叨陪侍恩榮得數枝

奉和七夕宴兩儀殿應制

秋吹過雙闕星仙動二靈更深移月鏡河淺度雲輶殿  
上呼方朔人間失武丁天文茲夜裏光映紫微庭

奉和九月九日聖製登慈恩寺浮圖應制

飛塔雲霄半清晨羽旆遊登臨憑季月寥廓見中州御  
酒新寒退天文瑞景留辟邪將獻壽茲日奉千秋

侍宴長寧公主東莊

公主林亭地清晨降玉輿畫橋飛渡水仙閣湧臨虛晴

新看蛺蝶夏早摘芙蓉文酒娛遊盛忻叨侍從餘

奉和送金城公主入西蕃應制

外館踰河右行營指路岐和親悲遠嫁忍愛泣將離旌  
旆羗風引軒車漢月隨那堪馬上曲時向管中吹

奉和聖製登驪山高頂寓目應制

驪阜鎮皇都鑾遊眺八區原隰旌門裏風雲宸座隅直  
城如斗柄官樹似星榆從臣詞賦未濫得上天衢

奉和幸白鹿觀應制

玄遊乘落暉仙宇藹霏微石梁縈澗轉珠旆掃壇飛芝  
童薦膏液松鶴舞駢駢還似瑤池上歌成周馥歸

折楊柳

沙塞三河道金閨二月春碧烟楊柳色紅粉綺羅人露  
葉憐啼臉風花思舞巾攀持君不見為聽曲中新

奉和立春日內出綵花樹應制

禁苑韶年此日歸東郊道上轉青旂柳色梅芳何處所  
風前雪裏覓芳菲開冰池內魚新躍剪綵花間燕始飛

欲識王遊布陽氣為觀天藻競春暉

興慶池侍宴應制

蒼龍闕下天泉池軒駕來遊簫管吹綠堤夏篠榮不散  
冒水新荷卷復披帳殿疑從畫裏出樓船直在鏡中移  
自然東海神仙處何用西崑輟迹疲

奉和幸大薦福寺應制

地靈傳景福天駕儼鉤陳佳哉藩邸舊赫矣梵宮新香  
塔魚山下禪堂雁水濱珠幡映白日鏡殿寫青春甚歡

延故吏大覺拯生人幸承歌頌末長奉屬車塵

奉和幸三會寺應制

岌嶮倉史臺敞朗紺園開戒旦壺人集翻霜羽騎來下  
輦登三襲褰疏望九垓林披館陶滂水浸昆明仄網戶  
飛花綴幡竿度鳥迴豫遊仙唱動瀟灑出塵埃

人日翫雪應制

勝日登臨雲葉起芳風搖蕩雪花飛星暉幸得承金鏡  
颺彩還將奉玉衣

夜宴安樂公主新宅

層軒洞戶旦新披  
度曲飛觴夜不疲  
綺綴玲瓏河色曉  
珠簾隱映月華窺

徐彥伯

名洪以字  
行兗州人

和李適荅宋十一入崖口五渡見贈

聞有獨往客  
拂衣捐世心  
結欣薄枉渚  
撰念縈舊林  
經亘去崖合  
冥緜歸壑深  
琪樹環碧彩  
金潭生翠陰  
沿洄弄沙榜  
詭仄眺明岑  
夕聞桂裏猿  
曉翫松上禽  
雜佩蘊



孤袖瓊敷綴雙襟我懷滄洲想懿爾白雲吟秉願理方  
協存期跡易尋茲言庶不負為報巖中琴

雪

雪暗窮海雲灑空紛似露朔風吹故里宛轉玉階樹孤  
妾調玉琴早寒生錦衿况君張羅幙愁坐北庭陰

芳樹

玉花珍簾上金縷畫屏開曉月憐箏柱春風憶鏡臺箏  
柱春風吹曉月芳樹落花朝暝歇藁砧刀頭未有期攀

條拭淚坐相思

遊禁苑幸臨渭亭遇雪應制

玉律藏冰候彤階飛雪時日寒消不盡風定舞還遲瓊  
樹留宸矚璇花入睿詞懸知穆天子黃竹謾言詩

幸白鹿觀應制

鳳輿乘八景龜籙向三仙日月移平地雲霞綴小天金  
童擎紫藥玉女獻青蓮花洞留宸賞還旗繞夕烟

婕妤

君恩勿斷絕  
妾思終未央  
巾櫛不可見  
枕席空餘香  
窗暗網羅白  
堦秋苔蘚  
蒼應門寂已  
閉流涕向昭陽

閨思

征客戍金微  
愁閨獨掩扉  
塵埃生半榻  
花絮落殘機  
褪煖蠶初卧  
巢昏燕欲歸  
春風日向盡  
銜涕作征衣

春歸

戍客戍清波  
幽閨幽思多  
暗梁聞語燕  
夜燭見飛蛾  
寶鴨藏脂粉  
金屏綴綺羅  
裁衣卷紋素  
織錦度鳴梭  
有使

通西極緘書寄北河年光只恐盡征戰莫蹉跎

奉和興慶池戲競渡應制

夾道傳呼翊翠虬天迴日轉御芳洲青潭曉靄籠仙蹕  
紅輿晴花隔綵旒香溢金杯環廣坐聲傳妓舸匝中流  
羣臣相慶嘉魚樂共哂橫汾歌吹秋

上巳日被袂渭濱應制

晴風麗日滿芳洲柳色春筵被錦流皆言侍蹕橫汾宴  
暫似乘槎天漢遊

錢唐永昌

金谿碧水玉潭沙  
鳬鳥翩翩弄日華  
鬪雞香陌行春倦  
為摘東園桃李花

盧僎

中宗時人從  
愿之從父

十月梅花書贈

君不見巴鄉氣候與華別  
年年十月梅花發  
上苑今應雪作花  
寧知此地花為雪  
自從遷播落黔巴  
三見江上開新花  
故園風花虛洛汭  
窮峽凝雲度歲華  
花情縱似

河陽好客心倍傷邊候早春候颯驚樓上梅霜威未落  
江潭草江水侵天去不還樓花覆簾空坐攀一向花前看  
白髮幾回夢裏憶紅顏紅顏白髮雲泥改何異桑田移碧  
海却想華年故國時惟餘一片空心在空心弔影向誰陳  
雲臺仙閣舊遊人儻知巴樹連冬發應憐南國氣長春  
歲晚還京臺望城闕成口號先贈交親

紫陌開行樹朱城出晚霞猶憐慣去國疑是夢還家風  
弱知催柳林青覺待花交親望歸騎幾處擁年華

奉和李令扈從溫泉宮賜遊驪山韋侍郎別業  
風后軒皇佐雲峰謝客居承恩來翠嶺  
綈賞出丹除飛蓋松谿寂清笳玉洞虛  
窺巖詳霧豹過水畧泉魚鄉入無何有  
時還上古初伊臯羞過狹魏丙服麤踈  
白雪緣情降青霞落卷舒多慚卽署在  
軌繼國風餘

臨川送別

秋郊日半隱野樹烟初映風水正蕭條  
那堪動離詠

南樓望

去國三巴遠登樓萬里春傷心江上客不是故鄉人

趙彥昭

字與然  
甘州人

奉賀聖製立春日侍宴內殿出剪綵花應制

剪綵迎初候攀條寫故真花隨紅意發葉就綠情新嫩  
色驚銜燕輕香誤采人應為薰風拂能令芳樹春

奉和人日清暉閣宴羣臣遇雪應制

出震乘東陸憑高御北辰祥雲應早歲瑞雪候初庭  
樹千花發階棠七葉新幸承今日宴長奉萬年春



奉和七夕兩儀殿會宴應制

青女三秋節黃姑七日期星橋度玉珮雲閣掩羅帷河  
氣通仙掖天文入睿詞今宵望靈漢應得見蛾眉

安樂公主移入新宅侍宴應制同用開字

雲物中京曉天人外館開飛橋像河漢懸勝學蓬萊址  
闕臨仙檻南山送壽杯一窺輪奐畢慙慙棟梁材

奉和送金城公主適西番應制

聖后經綸遠謀臣計畫多受降追漢策築館許戎和俗

化烏孫壘春生積石河六龍今出餞雙鶴願為歌

奉和聖製登驪山高頂寓目應制

皇情遍九垓御輦駐昭回路若隨天轉人疑近日來河  
看大禹鑿山見巨靈開願扈封登駕常持薦壽杯

奉和幸安樂公主山莊應制

六龍齊軫御朝曦雙鷁維舟下綠池飛觀仰看雲外聳  
浮橋直見海中移靈泉巧鑿天孫渚孝筍能抽帝女枝  
幸願一生同草樹年年歲歲樂於斯

秋朝木芙蓉

水面芙蓉秋已衰，繁條偏是著花遲。  
平明露滴垂紅臉，似有朝愁暮落時。

韋元旦

京兆萬年人

奉和九日幸臨渭亭登高應制得月字

雲物開千里，天行乘九月。  
絲言丹鳳池，旆轉蒼龍闕。  
灞水歡娛地，秦京游俠窟。  
欣承解慍詞，聖酒黃花發。

奉和送金城公主適西蕃應制

柔遠安夷俗和親重漢年軍容旌節送國命錦車傳琴  
曲悲千里簫聲戀九天惟應西海月來就掌珠圓

奉和立春遊苑迎春應制

灞溪長安恒近日殷正臘月早迎新池魚戲葉仍含凍  
宮女裁花已作春向苑雲疑承翠幄入林風若起青蘋  
年年斗柄東無限願挹瓊觴壽北辰

奉和幸安樂公主山莊應制

銀河南渚帝城隅帝輦平明出九衢刻鳳蟠螭凌桂邸

穿池疊石寫蓬壺瓊簫暫下鈞天樂綺綴長懸日月珠  
仙榜承恩爭既醉方知朝野更歡娛

興慶池侍宴應制

滄池潏沔帝城邊殊勝昆明鑿漢年夾岸旌旗疏輦道  
中流簫鼓振樓船雲峰四起迎宸幄水樹千重入御筵  
宴樂已深魚藻詠承恩更欲奏甘泉

崔日用

滑州人

奉和九月九日登慈恩寺浮圖應制

紫宸歡每洽紺殿法初隆菊泛延齡酒蘭吹解慍風咸  
英調正樂香梵遍秋空臨幸符天瑞重陽日丹中

奉和聖製春日幸望春宮應制

東郊風物正薰馨素滌鳧鷖戲綠汀鳳閣斜通平樂觀  
龍旂直逼望春亭光風搖動蘭英紫淑氣依遲柳色青  
渭浦明晨修禊事羣公傾賀水心銘

奉和人日重宴大明宮恩賜綵縷人勝應制

新年宴樂坐東朝鐘鼓鏗鏘大樂調金屋瑤筐開寶勝

花箋綵筆頌春椒  
曲池苔色冰前液  
上苑梅香雪裏嬌  
宸極此時飛聖藻  
微臣竊抃預聞韶

蘇瓌

字昌容  
武功人

奉和九日幸臨渭亭登高應制得暉字

重陽早露晞  
睿賞瞰秋磯  
菊氣先薰酒  
萸香更襲衣  
清切絲桐會  
縱橫文雅飛  
恩深答效淺  
留醉奉宸暉

興慶池侍宴應制

金闕平明宿霧收  
瑤池式宴俯清流  
瑞鳳飛來隨帝輦

祥魚出戲躍王舟  
帷齊綠樹當筵密  
蓋轉綳荷接岼浮  
如臨竊比微臣懼  
若濟叨陪聖主遊

岑義

字伯華文  
本之孫

奉和九月九日登慈恩寺浮屠應制

寶臺聳天外  
玉輦步雲端  
日麗重陽景  
風搖季月寒  
梵堂遙集雁  
帝樂近翔鸞  
願獻延齡酒  
長承湛露歡

奉和立春日內出綵花樹應制

和風助律應韶年  
清蹕乘高入望仙  
花笑鶯歌迎帝輦



雲披日霽俯皇川  
南山近壓仙樓上  
北斗平臨御宸前  
一奉恩榮同鎬宴  
空知率舞聽薰絃

徐堅

字元固

棹歌行

棹女飾銀鈎  
新妝下翠樓  
霜絲青桂楫  
蘭棹紫霞舟  
水落金陵曙  
風起洞庭秋  
扣舷過曲浦  
飛帆越回流  
影入桃花浪  
香飄杜若洲  
洲長殊未返  
蕭散雲霞晚  
日下大江平  
烟生歸岫遠  
岫遠聞潮波  
爭途遊戲多  
因聲趙津

女來聽采菱歌

奉和金城公主適西蕃應制

星漢下天孫  
車服降殊蕃  
匣中詞易切  
馬上曲虛繁  
關塞移朱帳  
風塵暗錦軒  
簫聲去日遠  
萬里望河源

餞許州宋司馬赴任

舊許星車轉  
神京祖帳開  
斷烟傷別望  
零雨送離杯  
辭燕依空遶  
賓鴻入聽哀  
分襟與秋氣  
日夕共悲哉

奉和聖製送張說巡邊

至德撫遐荒神兵赴朔方帝思元帥重爰擇股肱良累  
相承安世深籌協子房寄崇專斧鉞禮備設壇場鞀鼓  
喧雷電戈劍凜風霜四駢將戒道十乘啓先行聖錫加  
恒數天文耀寵光出郊開帳飲寅饒盛離章雨濯梅林  
潤風清麥野涼燕山應勒頌麟閣佇名揚

餞唐永昌

郎官出宰赴伊瀝征傳駸駸灞水前此時悵望新豐道  
握手相看共黯然



石倉歷代詩選卷二十六

欽定四庫全書

石倉歷代詩選卷二十七

明 曹學佺 編

初唐十四

張說

字道濟  
洛陽人

四月十三日詔宴寧王亭子賦得好字

何許承恩宴山亭  
風日好綠嫩鳴鶴洲  
陰穠鬪雞道  
果思夏來茂花嫌春去早  
行樂無限時  
皇情及芳草

修書院學士奉敕宴梁王宅賦得樹字

虎殿成鴻業猿巖題鳳賦既荷大君恩還蒙小山遇秋  
吹迎絃管涼雲生竹樹共惜朱郎歡無辭洛城暮

行從方秀川與劉評事文同宿

方秀美盤遊頻年降天旱水共伊川接山將闕門斷捧  
日照恩華攀雲引疲散野宿霜入帳孤衾寒不煖靜聞  
宮漏踈卧視庭月滿開爐命溫酎中夜發清管風送關  
山長氣道星歲短寓言情思愜適興真意坦衷中病羈

掛方外嫖縱誕願君樂盛時無嗟帶纓緩

送李侍郎迺秀薛長史季昶同賦得水字

漢郡接胡庭幽并對烽壘旌旗按部曲文武惟卿士  
薛公善籌畫李相威邊鄙中冀分兩河長城各萬里  
藉馬黃花塞蒐兵白狼水勝敵在安人為君汗青史

新都南亭送郭元振盧崇道

竹徑女蘿蹊蓮洲文石隄靜深人俗斷尋玩往還迷  
碧潭秀初月素林驚夕棲褰幌納蟾影理琴聽猿啼  
佳辰



改宿昔勝寄坐睽攜長懷賞心愛如玉復如珪

代書答姜七崔九

婀娜金閨樹離披野田草雖殊兩地榮幸共三春好花  
殊鳥飛處葉鏤蟲行道真心獨感人惆悵令人老

代書寄吉十一

一雁雪上飛值我衡陽道口銜離別字遠寄當歸草目  
想春來遲心驚寒去早憶鄉來羽翮慕侶盈懷抱零落  
答故人將隨江樹老

過蜀道山

我行春三月山中百花開披林入峭蒨攀蹬陟崔嵬白  
雲半峰起清江出峽來誰知高深意緬邈心幽哉

江路憶郡

霧斂江早明星翻漢將沒卧聞峽猿響起視榜人發倚  
棹攀岬篠憑船弄波月水宿厭洲渚晨光屢揮忽林澤  
來不窮烟波去無歇結思笙竽里搖情遊俠窟年貌不  
暫留歡愉及玄髮雲涓戀山海禽馬還燕越自非行役

人安知慕城闕

過漢南城歎古墳

舊國多陵墓荒涼無歲年  
洶湧蔽平岡汨若波濤連  
上世千金子潛卧九重泉  
松柏剪無餘碑記滅罔傳  
墓於不毛地咸謂楚先賢  
事情盡可識使人心悵然

襄州景空寺題融上人蘭若

高名出漢陰禪閣跨香岑  
衆山皆圍繞長川復迴臨  
雲峰曉靈變風木夜虛吟  
碧湫龍池滿蒼松虎徑深  
久知

青巖意偏入杳冥心何由侶飛錫從此脫朝簪

相州山池作

嘗懷謝公詠山水陶嘉月及此年事衰徒看衆花發觀  
魚樂何在聽鳥情都歇星漢流不停蓬萊去難越鄴中  
秋麥秀淇上春雲沒日見塵物空如何靜心闕

遊洞庭湖

緬邈洞庭岫蔥蒙水霧色宛在太湖中可望不可即剖  
竹守窮渚開門對奇域城池自繫籠纓綬為微纒靡日

不思往經時始願克飛棹越溟波維舟恣攀陟窳窳入  
雲步崎嶇倚松息巖壇有鶴過壁宇無人識滴石香乳  
溜垂崖靈草植玩幽輕霧阻討異忘曛逼寒沙際水平  
霜樹籠烟直空宮聞莫覩地道窺難測此處學金丹何  
人生羽翼誰傳九光要幾拜三仙職紫氣徒想像清潭  
長眇默霓裳若有來覩我雲峰側

出湖寄趙冬曦

西泛平湖盡參差入斷山東瞻岳陽郡汗漫太虛間窘

步同行樂道文互屢看山戍上雲桂江亭臨水關川途  
倏忽間風景依如昨湘浦未賜環荆門猶主諾何時與  
美人載酒遊宛洛

早霽南樓

山水佳新霽南樓翫初旭夜來枝半紅雨後洲全綠四  
運相終始萬形紛代續適臨青草湖再變黃鶯曲地穴  
穿東武江流下西蜀歌聞枉渚遭舞見長沙促心阻意  
徒馳神和生自足白髮悲上春知常謝先欲

和尹恁秋夜遊澠湖

坐嘯人事閒佳遊野情發山門送落照湖口昇微月林  
尋猿狖居水戲黿鼉穴朔風吹飛雁芳草亦云歇

聞雨

多雨絕塵事寥寥入太玄城陰踈復合簷滴斷還連念  
我勞造化從來五十年悞將心徇物近得還自然閒居  
草木侍虛室鬼神憐有時進美酒有時汎清絃聲真不  
世識心醉豈言詮

夜坐

懷哉四壁時未有三都價百金誰見許斗酒難為貫落  
花生芳春孤月皎清夜復逢利交客題戶遙相謝

冬日見牧牛人擔青草歸

塞上綿應折江南草可結欲持梅嶺花遠競榆關雪日  
月無他照山川何頓別苟齊兩地心天問將安說

雜詩

山間苦積雨木落悲時遽賞心凡幾人良辰在何處觸



石滿堂侈灑我終夕慮客鳥懷主人銜花未能去剖珠  
貴分明琢玉思堅貞要君意如此終始莫相輕

問子青霞意何事留朱軒自言心遠俗未始迹辭喧過  
蒙良時幸側息吏途煩簪纓非宿好文史棄前言夕卧  
北窓下夢歸南山園白雲慚幽谷清風愧泉源十年茲  
賞廢佳期今復存掛冠謝朝侶星駕別君門

蜀路

雲埃夜澄廓山日曉晴鮮葉落蒼江岼鴻飛白露天磷

磷含水石幕幕覆林烟客心久無緒秋風殊未然

和張監遊終南

宿懷終南意及此語雲峰夜聞竹澗靜曉望林嶺重春  
烟生古石時鳥戲幽松豈無山中賞但畏心莫從

鄴都引一首

君不見魏武草創爭天祿羣雄睚眦相馳逐畫攜壯士  
破堅陣夜接詞人賦華屋都邑繚繞西山陽桑榆汙漫  
漳河曲城郭為墟人代改但見西園明月在鄴傍高塚

多貴臣娥眉嬖祿共灰塵試上銅臺歌舞處惟有秋風  
愁殺人

城南亭作

珂馬朝歸連萬石稍門洞啓親迎客北堂珍重琥珀酒  
庭前列肆茱萸席長袖遲迴意緒多清商緩轉目騰波  
舊傳比翼侯家舞新出將雛主第歌漢家絳灌餘兵氣  
晉代浮虛安足貴正逢天下金鏡清偏加日飲醇醪意  
誰復遨遊不復歸閒庭莫畏不芳菲會待城南春色至

竟將花柳拂羅衣

同趙侍御乾湖作

江南湖水咽山川  
春江溢入共湖連  
氣色紛綸橫罩海  
波濤鼓怒上漫天  
鱗宗殼族嬉為府  
弋叟眾師利焉聚  
歌帆側施弄風口  
赴險臨深繞灣浦  
一灣一浦悵遭迴  
千曲千澁恍迷哉  
乍見靈妃含笑往  
復聞遊女怨歌來  
暑來寒往運洄洑  
潭生水落移陵谷  
雲間墜翮散泥沙  
波上浮查棲樹木  
昨暮飛霜下北津  
今朝行雁度南濱

處處溝洫清源竭年年萑葦白頭新天地盈虛尚難保  
人間倚伏何須道秋月晶晶汎澄瀾冬景青青步纖草  
念君宿昔觀物變安得踟躕不衰老

贈崔二安平公樂世詞

十五紅妝侍綺樓朝承握槊夜藏鉤君臣一意金門寵  
兄弟雙飛玉殿遊寧知宿昔恩華樂變化瀟湘離別愁  
地濕莓苔生舞袖江聲怨嘆入箏篴自憐京兆雙眉嫵  
會待南來五馬留

奉和聖製登驪山矚眺應制

寒山上半空臨眺盡寰中是日巡遊處晴光遠近同川  
明分渭水樹暗辨新豐巖壑青音暮天歌起大風

奉和聖製賜王公千秋鏡應制

寶鏡頌神節凝規寫聖情千秋題作字長壽帶為名月  
向天邊下花從日裏生不承懸象意誰辨照心明

侍宴萸萸亭應制

迴鑾青岳觀帳殿紫烟峰仙路迎三鳥雲衢駐兩龍園

林看化塔壇墀識餘封山外聞簫管還如天上逢

奉和聖製野次喜雪應制

寒更玉漏催曉色御前開決瀋雲陰積氤氲風雪迴山  
如銀作甕宮見壁成臺欲驗豐年象飄搖仙藻來

恩制賜食於麗正殿書院宴賦得林字

東壁圖書府西垣翰墨林誦詩聞國政講易見天心位  
竊和羹重恩叨醉酒深緩歌春興曲情竭為知音

道家三首

金壇啓曙闡真氣肅微微落月銜仙竇初霞拂羽衣香  
隨龍節下雲逐鳳簫飛暫往蓬萊戲千年始一歸

窈窕流精觀深沈紫翠庭金奩調上藥寶案讀仙經作  
賦看神雨乘槎辨客星抵應謝人俗輕舉託雲輶

金爐承道訣玉牒啓玄機雲逐笙歌度星流宮殿飛乘  
風嬉浩蕩窺月弄光輝惟有三山鶴應同千載歸

送鄭大夫惟忠從公主入蕃

鳳吹遙將斷龍旗送欲還傾都邀節使傳酌緩離顏春



磧沙連海秋城月對關和戎應賞魏定遠莫辭班

岳州宴別潭州王熊

晉雲連省閣溝水遽西東然諾心猶在榮華歲不同孤  
城臨楚塞遠樹入秦宮誰念三千里江潭一老翁

南中贈高六戩

北極辭明代南溟宅放臣丹誠由義盡白髮帶愁新烏  
墜炎洲氣花飛洛水春平生歌舞席誰憶不歸人

和朱使欣

江勢連山遠天涯此夜愁霜空極天靜寒月帶江流思  
起南征棹文高北望樓自憐如墜葉汎汎侶仙舟

深渡驛

旅宿青山夜荒庭白露秋洞房懸月影高枕聽江流猿  
響寒巖樹螢飛古驛樓他鄉對搖落併覺起離憂

還至端州驛前與高六別處

舊館分江日淒然望落暉相逢傳旅食臨別換征衣昔  
記山川是今傷人代非往來皆此路生死不同歸

和尹懋秋夜遊澠湖

澠湖佳可遊  
既近復能幽  
林裏栖精舍  
山間轉去舟  
雁飛江月冷  
猿嘯野風秋  
不是迷香客  
尋竒處處留

奉和聖製春日幸望春宮應制

別館芳菲上苑東  
飛花澹淡御筵紅  
城臨渭水天河靜  
闕對南山雨露通  
繞殿流鶯凡幾樹  
當蹊亂蝶許多叢  
春園既醉心和樂  
共識皇恩造化同

奉和聖製春日出苑應制

禁林艷裔發青陽  
春望逍遙出畫堂  
雨洗亭臯千畝綠  
風吹梅李一園香  
鶴飛不去隨青管  
魚躍翻來入綵航  
睿賞歡承天保定  
道文更覩日重光

三月三日詔宴定昆池宮莊賦得筵字

鳳凰樓下對天泉  
鸚鵡洲中匝管絃  
舊識平陽佳麗地  
今逢上巳盛明年  
舟將水動千尋日  
幕共林橫兩岼烟  
不降王人觀襖飲  
誰令醉舞拂賓筵

同趙侍御巴陵早春作

江上春來早可觀  
巧將春物妬餘寒  
水苔共繞留烏石  
花鳥爭開鬪鴨欄  
佩勝芳辰日漸煖  
然燈美夜月初圓  
意隨北雁雲飛去  
直待南州蕙草殘

澠湖山寺

空山寂歷道心生  
虛谷迢遙野鳥聲  
禪室從來塵外賞  
香臺豈是世中情  
雲間東嶺千尋出  
樹裏南湖一片明  
若使巢由知此意  
不將蘿薜易簪纓

奉和聖製途中經華岳應制

西嶽鎮皇京中峰入太清玉鑾重嶺應綖綺薄雲迎霽  
日懸高掌寒空類削成軒遊會神處漢辛望仙情舊廟  
青林古新碑綠字生羣臣願封岱還駕勒鴻名

奉酬韋祭酒自湯還都經龍門北谿莊見貽之作  
聞君湯井至瀟灑憩郊林拂曙攜清賞披雲覲綠岑歡  
言遊覽意款曲望歸心是日期佳客同山忽異尋桃花  
迂路轉楊柳間門深汎舟伊水漲繫馬香樹陰繁絃弄  
水族嬌吹狎沙禽春滿汀色媚景斜嵐氣侵懷仁殊未

遠重德匪專臨來藻敷幽思連詞報所欽

南中送北使二首

傳聞合浦葉曾向洛陽飛何日南風至還隨北使歸  
紅顏度嶺歇白首對秋衰高歌何由見層堂不可違誰憐  
炎海曲淚盡血沾衣

待罪居重譯窮愁暮雨秋山臨鬼門路城繞瘴江流人  
事今如此生涯尚可求逢君入鄉縣傳我念京周別恨  
歸途遠離言暮景邁夷歌翻下淚虜酒未消愁聞有胡

兵急深懷漢國羞和親先是詐款塞果為讎釋繫應分  
爵蠲徒幾復侯廉頗誠未老孫叔且無謀若道馮唐事  
皇恩尚可收

岳州作

水國生秋草離居再及瓜山川臨洞穴風日望長沙物  
土南州異關河北信賒日昏聞怪鳥地熱見修蛇遠人  
夢歸路瘦馬嘶去家正有江潭月徘徊戀九華

遊洞庭湖



平湖曉望分仙嶠  
氛氲鼓柁乘清渚  
尋峰弄白雲  
江寒天一色  
日靜水重紋  
樹坐叅猿嘯  
沙行入鷺羣  
緣源斑篠密  
胷徑綠蘿紛  
洞穴傳虛應  
楓林覺自薰  
雙童有靈藥  
願取獻明君

巴丘春作

日出洞庭水  
春山掛斷霞  
江湔相映發  
卉木共紛華  
相成南浮潤  
荆關北望賒  
湖陰窺魍魎  
丘勢辨巴蛇  
島戶巢為館  
漁人艇作家  
自憐心問景  
三歲客長沙

聞雨

窮冬萬花匝永夜百憂攢危戍臨江火空齋入雨寒斷  
猿知屢別嘶雁覺虛彈心對爐灰死顏隨庭樹殘舊思  
懷未報傾膽鏡中看

清夜酌

秋陰士多感雨息夜無塵清樽宜明月復有平生人

被使在蜀

即今三伏盡尚自在臨邛歸途千里外秋月定相逢

蜀道後期

客心爭日月來往預期程  
秋風不相待先至洛陽城

傷妓人董氏

董氏嬌嬈性多為窈窕  
名人隨秋月落韻入擣衣聲

送梁六自洞庭山作

巴陵一望洞庭秋日見孤峰  
水上浮聞道神仙不可接

心隨湖水共悠悠

石倉歷代詩選卷二十七

欽定四庫全書

集部

石倉歷代詩選卷

二十八至  
三十一

詳校官庶吉士

臣范逢恩

侍讀

臣

孫球覆勘

總校官進士

臣

朱

鈐

校對官編修

臣

盧

燾

謄錄監生

臣

蕭文

鉅

欽定四庫全書

石倉歷代詩選卷二十八

明 曹學佺 編

初唐十五

蘇頲 字廷碩  
瓌之子

和杜主簿春日有所思

朝上高樓上俯見洛陽陌  
搖蕩吹花風落英紛已積  
美人不共此芳妍空所惜  
攬鏡塵網滋當窗苔蘚碧  
緬懷

在雲漢良願睽枕席翻似無見時如何久為客

餞郢州李使君

楚有章華臺遙遙雲夢澤復聞擁符傳及是收圖籍佳  
政在離人能聲寄侯伯離懷朔風起試望秋陰積中路  
悽以寒羣山靄此夕傷心聊把袂怊悵麒麟客

曉濟膠川南入密界

飲馬膠川上傍膠南趣密林遙飛鳥遲雲去晴山出落  
暉隱桑柘秋原被花實慘然遊子寒風露將蕭瑟

小園納涼即事

煩暑避蒸鬱居閒習高明長風自遠來層閣有餘清散  
灑納涼氣蕭條遺世情奈何誇大隱終日繫塵纓

長相思

君不見天津橋下東流水南望龍門北朝市楊柳青青  
踈地垂桃紅李白花參差花參差柳堪結此時憶君心  
斷絕

春日芙蓉園侍宴應制

御道紅旗出芳園翠輦遊繞花開水殿架竹起山樓荷  
笑輕薰幄魚龍出多舟寧如漢天子空賦白雲秋

奉和七夕宴兩儀殿應制

靈媛乘秋發仙裝警夜催月光窺欲渡河色辨應來機  
石天文寫針樓御賞開竊觀棲鳥至疑向鵲橋迴

遊禁苑幸臨渭亭遇雪應制

平明敞帝居霰雪下凌虛寫月含珠綴從風薄綺䟽年  
驚花絮早春夜管絃初已屬雲天外欣承霈澤餘



奉和送金城公主適西蕃應制

帝女出天津和戎轉鬪輪川經斷腸望地與析支隣秦  
曲風嘶馬銜悲月伴人旋知偃兵革長是漢家親

奉和聖製登驪山高頂寓目應制

仙蹕御層氛高高積翠分巖聲中谷應天語半空聞豐  
樹連黃葉函闕入紫雲聖圖恢寓縣歌賦小潢汾

幸白鹿觀應制

碧虛清吹下藹藹入仙宮松磴攀雲絕花源接澗空受

符邀羽使傳訣駐香童詎似閒居日徒聞有順風

扈從溫泉奉和姚令公喜雪

清道豐人望乘時漢主遊恩暉隨霰下慶澤與雲浮泉  
煖驚銀磧花寒愛玉樓鼎臣今有問河伯且應留

武檐山寺

武檐獨蒼然墳山下玉泉鼈靈時共盡龍女事同遷松  
栢銜哀處幡花種福田詎知留鏡石長與法輪圓

邊秋薄暮

海外秋鷹擊霜前旅雁歸邊風思鞞鼓落日慘旌麾浦  
暗漁舟入川長獵騎稀客悲逢薄暮况乃事戎機

經三泉路作

三月松作花春行日漸賒竹障山鳥路藤蔓野人家透  
石飛梁下尋雲絕磴斜此中誰與樂揮涕語年華

奉和初春幸太平公主南莊應制

主第山門起灞川宸遊風景入初年鳳凰樓下交天仗  
烏鵲橋頭敞御筵往往花間逢綠石時時竹裏見紅泉

今朝扈蹕平陽館不羨乘槎雲漢邊

奉和春日幸望春宮應制

東望望春春可憐更逢晴日柳含煙  
宮中下見南山盡城上平臨北斗懸  
細草偏承迴輦處輕花微落奉觴前  
宸遊對此歡無極鳥哢歌聲入管絃

人日重宴大明宮恩賜綵縷人勝應制

䟽龍磴道切昭回建鳳旗門繞帝臺  
七葉仙萸依月吐千株御柳拂煙開  
初年競帖宜春勝長命先浮獻壽杯

是日皇靈知竊幸羣心就捧大明來

侍宴安樂公主山莊應制

駸駸羽騎歷城池帝女樓臺向晚披霧灑旌旗雲外出  
風迴巖岫雨中移當軒半落天河水繞逕全低玉樹枝  
簫鼓宸遊陪宴日和鳴雙鳳喜來儀

興慶池侍宴應制

降鶴池前迴步輦栖鸞樹杪出行宮山光積翠遙疑逼  
水態含青近若空直視天河垂象外俯窺京室畫圖中

皇歡未使恩波極日暮樓船更起風

廣達樓下夜侍酺宴應制

東嶽封迴宴洛京西墉通晚會公卿樓臺絕勝宜春苑  
燈火還同不夜城正覩人間朝市樂忽聞天上管絃聲  
酺來萬舞羣臣醉喜戴千年聖主明

景龍觀送裴士曹

昔日嘗聞公主第今時變作列仙家池傍坐客穿叢篠  
樹下遊人掃落花雨雪長疑向函谷山泉直似到流沙

君還洛邑分明記此處同年閱歲華

奉和聖製幸禮部尚書竇希玠宅應制

尚書列侯第外戚近臣家飛棟臨青綺迴輿轉翠華日  
交當戶樹泉漾滿池花圓頂圖嵩石方流擁魏沙豫遊  
今聽履侍從昔鳴笳自有天文降無勞訪海槎

奉和幸韋嗣立山莊應制

擬金寒野霽步玉曉山幽帝握期松子臣廬訪葛侯百  
工徵往夢七聖扈來遊斗柄乘時轉台階捧日留樹重

巖籟合泉迸水光浮石徑喧朝履璜谿擁釣舟思如犯  
星夜歡擬濟河秋不覺堯年隱空令傲許由

恩制尚書省寮宴昆明池

露渥灑雲霄天官次斗杓昆明四十里空水極晴朝雁  
似銜紅葉鯨疑噴海潮翠山來徹底白日去迴標泳廣  
漁叔溢浮深妓舫搖飽思皆醉止合舞共歌堯

利州比佛龕前重於去歲題處作

重巖截看美分塔起層標蜀守經塗處巴人作禮朝地



疑三界出空是六塵銷卧石鋪蒼蘚行滕覆綠條歲  
年書有記非為學題橋

閒園即事寄韋侍御

結廬東城下直望江南山青靄遠相接白雲來復還拂  
筵紅蘚上開慢綠條間物應春偏好情忘趣轉閒憲臣  
饒美度聯事惜徂顏有酒空盈酌高車不可攀

先是新昌小園期京兆尹一訪兼郎官數子自  
頃沈疴年復一年茲願不果率然成章

獨好中林隱先期上月春閒花傍戶落喧鳥逼簷馴寂  
寞東陂叟傳呼北里人在山琴易調開甕酒歸醇佇望  
應三接彌留忽幾旬不疑丹火變空負綠條新聞蟻聞  
常日歌龍值此辰其如衆君子嘉會阻清塵

山鵲詞二首

玉關征戍久空閨人獨愁寒露濕青苔別來蓬鬢秋  
人坐青樓晚鶯語百花時愁多人自老斷腸君不知

汾上驚秋

北風吹白雲萬里渡河汾心緒逢搖落秋聲不可聞

將赴益州題小園壁

歲窮惟益老春至却辭家可惜東園樹無人也作花

趙冬曦

字開定  
州人

奉和張燕公早霽南樓

方曙躋南樓凭軒肆遐矚物華蕩暄氣春景媚晴旭川  
霽湘山孤林芳楚郊縟列巖重疊翠遠岫逶迤綠風帆  
摩天垠魚艇散灣曲鴻歸鶴舞送猿叫鶯聲續羣動皆

熙熙噫予獨羈束常欽才子意忌鵬傷蹢躅雅尚騷人  
文懷沙何迫促未知二賢意去矣從所欲

澧湖作

并序

巴丘南澧湖者蓋沅湘澧汨之餘波焉茲水也淪隄  
洞庭澹澹千里夏潦奔注則決為此湖冬霜既零則  
涸為平野按爾雅云水反入為澧斯名之作有由焉  
爾而此鄉炎暑子月草生彌望青青相與遊藉豈盈  
虛之可歎亦風景之多傷感物增懷因書其事

三湖返入兩山間，畜作澗湖灣。  
復灣暑雨奔，流潭正滿。  
微霜及潦水，初還水還波。  
卷谿潭涸，綠草芊芊，岼嶸  
適來飛棹共迴旋，已復揚鞭恣行樂。  
道傍耆老步蹢躅，楚言茲事不知年。  
試就湖邊披草徑，莫疑東海變桑田。  
君訝今時盡陵陸，我看明歲更淪漣。  
來今自昔無終始，人事迴環常若是。  
應思闕下聲華日，誰謂江潭旅遊子。  
初貞正喜固當然，往蹇來譽宜可俟。  
盈虛用捨輪輿旋，勿學靈均遠問天。

和尹恁秋夜遊滬湖二首

政理常多暇  
方舟此泝洄  
吹笙虛洞峇  
舉楫便風催  
山暗雲猶辨  
潭幽月稍來  
清谿無數曲  
未盡莫先迴

煙靄夕微蒙  
幽灣賞未窮  
艤舟待初月  
褰幌招遠風  
鶴聲聒前浦  
漁火明暗叢  
東山雲壑意  
不謂爾來同

陪燕公遊滬湖上寺

江外多山水  
招要步馬來  
琴將天籟合  
酒共鳥歌催  
巖坐攀紅藥  
谿行愛綠苔  
所懷非此地  
遊望亦裴徊

姚崇

本名元崇  
陝州人

故洛陽城侍宴應制

遊豫停仙蹕  
登臨對晚晴  
川鳧連倒影  
巖鳥應虛聲  
野奏風成曲  
山居雲作纓  
今朝丘壑上  
高興小蓬瀛

夜渡江

夜渚帶浮煙  
蒼茫晦遠天  
舟輕不覺動  
纜急始知牽  
聽草遙尋岼  
聞香暗識蓮  
惟看孤帆影  
常恐客心懸

秋夜望月

明月有餘鑒  
羈人殊未安  
桂含秋樹晚  
波入夜池寒  
灼灼雲枝淨  
光光草露團  
所思迷所在  
長望獨長歎

李邕

字太和  
江都人

奉和初春幸太平公主南莊應制

傳聞銀漢石支機  
復見金輿出紫微  
織女橋邊烏鵲起  
仙人樓上鳳凰飛  
流風入座飄歌扇  
瀑水侵階濺舞衣  
今日還同犯牛斗  
乘槎共逐海潮歸

袁恕已

滄州人



詠屏風

綺閣雲霞滿芳林草樹新  
鳥驚疑欲曙花笑不關春  
山對彈琴客谿流垂釣人  
請看車馬客行處有風塵

朱使欣

道峽似巫山

江如曉天靜石似暮雲張  
征帆一流覽宛若巫山陽  
楚客思歸路秦人謫異鄉  
猿鳴孤月夜再使淚霑裳

劉庭琦

從軍

朔風吹寒塞胡沙千萬里陣雲出岱山孤月生海水次  
勝方求敵銜恩本輕死蕭蕭牧馬鳴中夜拔劍起

奉和聖製瑞雪篇

紫宸飛雪曉徘徊層閣重門雪照開九衢晶耀浮埃盡  
千品差池顰帛來何處田中非種玉誰家院裏不生梅  
埋雲翳景無窮已因風落地吹還起先過翡翠寶房中  
轉入鴛鴦金殿裏美人含笑出聯翩豔逸相輕聞容止

羅衣點著渾是花玉手搏來半成水奕奕紛紛何所如  
頓憶楊園二月初羞同班女高秋扇欲照明王乙夜書  
姑射山中符聖壽芙蓉闕下降神車願隨睿澤流無限  
長報豐年貴有餘

銅雀臺

銅臺宮觀委灰塵魏主園陵漳水濱即今西望猶堪思  
况復當時歌舞人

張謬

百子池

舊聞百子漢家池  
漢家淥水今逶迤  
宮女厭鏡笑相窺  
身前影後不相見  
無數容華空自知

岐王席上詠美人

半額畫雙蛾  
盈盈燭下歌  
玉杯寒意少  
金屋夜情多  
香豔王分帖  
裙嬌敕賜羅  
平陽莫相妬  
喚出不如他

延平門高齊亭子應岐王教

花源藥嶼鳳城西  
翠幙紗窗鶯亂啼  
昨夜蒲萄初上架

今朝楊柳半垂堤  
片片仙雲來渡水  
雙雙燕子共銜泥  
請語東風催後騎  
併將歌舞向前谿

九日宴

秋葉風吹黃颯颯  
晴雲日照白鱗鱗  
歸來得問茱萸女  
今日登高醉幾人

石倉歷代詩選卷二十八

欽定四庫全書

石倉歷代詩選卷二十九

明 曹學佺 編

初唐十六

張九齡

字子壽韶  
州曲江人

和吏部李侍郎見示秋夜望月憶諸侍郎之什  
其卒章有前後行之戲因命僕繼作

清秋發高興涼月復閒宵光逐露華滿情因水鏡搖同

持亦所見異路無相招美景向空盡歡言隨事銷忽聽  
金華作誠如玉律調南宮尚為後東觀何其遼名數雖  
云隔風期幸未遙今來重餘論懷此更終朝

登南嶽事畢謁司馬道士

將命祈靈嶽迴策詣真士絕跡尋一徑異香聞數里分  
庭八桂樹肅容兩童子入室希把袖登牀願啓齒誘我  
棄智訣迨茲長生理吸精反自然鍊藥求不死斯言眇  
霄漢顧余嬰紛滓相去九牛毛慙歎知何已



九月九日登龍山

郡庭常窘束涼野求昭曠楚客凜秋時桓公舊臺上清  
明風日好歷落江山望極遠何蕭條中畱坐惆悵東彌  
夏首濶西拒荆門壯夷險雖異時古今豈殊狀先賢眇  
不接故老猶可訪投弔傷昔人揮斤感前匠自為本踈  
散未始忘幽尚際會非有欲往來是無妄為邦復多幸  
去國殊遷放且汎籬下菊還聆郢中唱灌園亦何為於  
陵乃逃相

登郡城南樓

閉閣幸無事登樓聊永日雲霞千里開洲渚萬形出澹  
澹澄江漫飛飛度鳥疾邑人半艫艦津樹多楓橘感別  
時已屢憑眺情非一遠懷不我同孤興與誰悉平生本單  
緒邂逅承優秩謬忝為邦寄多慙理人術駑鉛雖自勉  
倉廩素非實陳力儻無効謝病從芝朮

歲初巡屬縣登高安南樓言懷

山城本孤峻憑高結層軒江氣偏宜早林英粲已繁餘

滋含宿霽衆妍在朝曦拂衣釋簿領伏檻遺紛喧深俯  
東谿澳遠延南山樊歸雲納前嶺去鳥投選村目盡有  
餘意心惻不可緩竭來彭蠡澤載經敷淺原春及但生  
思時哉無與言不才叨過舉惟力酬明恩美化猶寂蔑  
迅節徒飛奔雖無成立効庶以去思論行復徇孤迹亦  
云吾道存

秋晚登樓望南江入始興郡路

潦收沙衍出霜降天宇晶伏檻一長眺津途多遠情思

來江山外望盡煙雲生滔滔不自辯役役且何成我來  
颯衰鬢孰云飄華纓櫪馬苦踈跼籠禽念遐征歲陰向  
晚晚日夕空屏營物生貴得性身累由近名內顧覺今  
是追歎何時平

登古陽雲臺

庭樹日衰颯風霜未云已駕言遣憂思乘興求相似楚  
國茲故都蘭臺有餘趾傳聞襄王世仍立巫山祀方此  
全盛時豈無嬋娟子色荒神女至魂蕩宮觀啓蔓草今

如積朝雲為誰起

與生公尋幽居處

同方久厭俗相與事遐討及此雲山去窅然巖徑好疑  
入武陵源如逢漢陰老清諧欣有得幽閒歟盈抱我本  
玉階侍偶訪金山道茲焉求卜築所過皆神造歲晚林  
始敷日晏崖方杲不種緣嶺竹豈植臨潭草即途可淹  
畱隨日成黼藻期為靜者說曾是終焉保今為簡書畏  
祇令歸思浩

郡舍南有園畦雜樹聊以求日

為郡久無補越鄉空復深苟能秉素節安用叨華簪却  
步園畦裏追吾野逸心形骸拘俗吏光景賴閒林內訟  
誠知止外言猶匪忱成蹊謝李逕衛足感葵陰榮達豈  
不偉孤生非所任江城何寂歷秋樹亦蕭森下有北流  
水上有南飛禽我願從歸翼無然坐自沈

臨泛東湖

時任  
洪州

郡庭日休暇湖曲邀勝踐樂職在中和靈心挹上善乘

流坐清曠舉目眺悠緬林與西山重雲因北風卷晶明  
畫不逮陰影鏡無辨晚秀復芬敷秋光更還衍萬族紛  
可佳一遊豈能展羈孤忝邦牧顧已非時選梁公世不  
容長孺心亦褊永念出籠絜常思退疲蹇歲徂風露嚴  
日恐蘭苕剪佳辰不可得良會何其鮮罷興還江城閉  
闕聊自遣

晨坐齋中偶而成詠

寒露潔秋空遙山紛在矚孤頂乍修聳微雲復相續人

茲賞地偏鳥亦愛林旭結念憑幽遠撫躬曷羈束仰霄  
謝逸翰臨路嗟疲足徂歲方暌攜歸心亟躑躅休閒儻  
有素豈負南山曲

南陽道中作

登郢屬歲陰及宛惜所適復聞東漢主遺此南都迹佳  
氣藹厥初霸圖紛在昔茲邦稱貴近與世嘗薰赫遭遇  
感風雲變衰空草澤不識鄧公樹猶傳陰后石驅馬歷  
閨闔荆榛翳阡陌事去物無象感來心不懌懷古對窮



秋興言傷遠客眇默遵岐路辛勤弊行役雲雁號相呼  
林麕走自索顧憶徇書劍未嘗安枕席豈暇墨突黔空  
持遼豕白迷復期非遠歸歟賞農隙

出為豫章郡途次廬山東巖下

茲下鎮何所乃在澄湖陰下有蛟螭伏上與虹蜺尋靈  
仙未始曠窟宅何其深雙闕出雲峙三宮入煙沈攀崖  
猶昔境種杏非舊林想像終古跡惆悵獨徃心紛吾嬰  
世網數載忝朝簪孤根自靡託量力況不任多謝周身

防常恐橫議侵豈非鵷鴻列惕如泉壑臨迨茲刺江郡  
來此滌塵襟有趣逢樵客忘懷狎野禽棲間義未果用  
拙歡在今願言答休命歸事丘中琴

夏日奉使南海在道中作

緬然萬里路赫曦三伏時飛走逃深林流爍恐生疵行  
李豈無苦而我方自怡肅事誠在公拜慶遂及私展力  
慚淺效銜恩感深慈且欲湯火蹈况無鬼神欺朝發高  
山阿夕濟長江湄秋瘴寧我毒夏水胡不夷信知道存

者但問心所之呂梁有出入乃覺非虛詞

巡按自灤水南行

理棹雖云遠飲冰寧有惜况乃佳山水怡然傲潭石奇  
峰岌前轉茂樹隈中積猿鳥聲自呼風泉氣相激目因  
詭容逆心與清暉滌紛吾謬執簡行郡將移檄即事聊  
獨歡素懷豈兼適悠悠詠靡盬以窮夕日

冬日至玉泉山寺屬窮陰冰閉崖谷無色及仲

春行縣復往焉故有此作

靈鏡信幽絕芳時重暄妍再來及茲勝一過非無緣萬  
木柔可結千花敷欲然松間鳴好鳥竹下流清泉石壁  
開精舍金光照法筵真空本自寂假有聊相宣復此灰  
心者仍追巢頂禪簡書雖有畏身世亦相捐

二弟宰邑南海見羣雁南飛因成詠以寄

鴻雁自北來嗷嗷度煙景嘗懷稻梁惠豈憚江山永小  
大每相從羽毛當自整雙鳬侶晨泛獨鶴叅宵警為我  
更南飛因書至梅嶺

奉和聖製經孔子舊宅

孔門太山下不見登封時徒有先生法今為明主思恩  
加萬乘幸禮致一牢祠舊宅千年外光華空在茲

奉和聖製次瓊嶽韻

山祇亦望幸雲雨見靈心嶽館逢朝霽闕門解宿陰咸  
京天上近清渭日邊臨我武因冬狩何言是即禽

奉和聖製送李尚書入蜀

眷言感忠義何有間山川徇節今如此離情空復然皇

心在勤恤德澤委昭宣周月成功後明年或勞還

奉和聖製初出洛城

東土淹龍駕西人望翠華山川祇詢物宮觀豈無家十  
月迴星斗千官捧日車洛陽無怨思巡幸更非賒

奉和聖製途次陝州作

馳道當河陝陳詩問國風川原三晉別襟帶兩京同後  
殿函闕盡前旌關塞通行看洛陽陌光景麗天中

折楊柳

纖纖折楊柳持此寄情人一枝何足貴憐是故園春遲  
景那能久芳菲不及新更愁征戍客容鬢老邊塵

剪綵

姹女矜容色為花不讓春既爭芳意早誰待物華真葉  
作參差發枝從點綴新自然無限態長在艷陽晨

三月三日申王園亭宴集

稽亭追往事睢苑勝前聞飛閣凌芳樹華池落綵雲藉  
草人畱酌銜花鳥赴羣向來同賞處惟恨碧林曛

三月三日登龍山

伊川與灞津今日被除人豈似龍山上還同湘水濱衰  
顏憂更老淑景望非春楔飲豈吾事聊將偶俗塵

晚霽登王六東閣

試上江樓望初逢山雨晴連空青嶂合向晚白雲生彼  
美要殊觀蕭條見遠情情來不可極日暮水流清

酬王六寒朝見詒

賈生流寓日楊子寂寥時在物多相背惟君獨見思漁



為江上曲雪作郢中詞忽枉兼金訊長懷伐木詩

林亭詠

穿築非求麗幽閒欲寄情偶懷因壤石真意在蓬瀛苔  
益山文古池添竹氣清從茲果蕭散無事亦無營

送楊府李功曹

平生屬良友結綬望光輝何知人事拙相與宦情非別  
路穿林盡征帆際海歸居然已多意況復兩鄉違

送韋城李少府

送客南昌尉離亭西候春野花香欲盡林鳥聽猶新別  
酒青門路歸軒白馬津相知無遠近萬里尚為鄰

送廣州周判官

海郡雄蠻落津亭北越臺城隅百雉映水曲萬家開里  
樹枕榔出時禽翡翠來觀風猶未盡早晚便車迴

郡江南上別孫侍御

雲嶂天涯盡川途海縣窮何言此地僻忽與故人同身  
負邦君弩情紆御史驄王程不我駐離思逐秋風

自豫章南還江上作

歸去南江水磷磷見底清  
轉逢空濶處聊洗滯留情  
浦樹遙如待江鷗近若迎  
津途別有趣況乃濯吾纓

將至岳陽有懷趙二

湘岸多深林青冥晝結陰  
獨無謝客賞况復賈生心  
草色雖云發天光或未臨  
江潭非所遇為爾白頭吟

使還湘水

歸舟宛何處正值楚江平  
夕逗煙村宿朝緣浦樹行  
于

役已彌歲言旋今愜情鄉郊尚千里流目夏雲生

自湘水南行

落日催行舫逶迤洲渚間雖云有物役乘此更休閒暝  
色生前浦清暉發近山中流澹容與惟愛鳥飛還

初入湘中有喜

征鞍窮郢路歸棹入湘流望鳥惟貪疾聞猿亦罷愁兩  
邊楓作岸數處橘為洲却記從來意翻疑夢裏遊

耒陽谿夜行

乘夕棹歸舟綠源路轉幽月明看嶺樹風靜聽谿流嵐  
氣船間入霜華衣上浮猿聲雖此夜不是別家愁

赴使瀧峽

谿路日幽深寒空入兩嶽霜清百丈水風落萬重林夕  
鳥聯歸翼秋猿斷去心別離多遠思況乃歲方陰

湖口望廬山瀑布泉

萬丈洪泉落迢迢半紫氛奔飛下雜樹灑落出重雲日  
照虹蜺似天清風雨聞靈山多秀色空水共氤氲

湏陽峽

行舟傍越岑窈窕越谿深水閣先秋冷山晴當晝陰重  
林間五色對壁聳千尋惜此生遐遠誰知造化心

春江晚景

江林皆秀發雲日復相鮮征路那逢此春心益渺然興  
來祇自得佳處莫能傳薄暮津亭下餘花滿客船

與王六履震廣州津亭曉望

明發臨前渚寒來淨遠空水文天上碧日氣海邊紅景

物紛為異人情賴此同乘槎自有造非欲破長風

旅宿淮陽亭口號

日暮荒亭上悠悠旅思多故鄉臨桂水今夜渺星河暗  
草霜華發空亭雁影過興來誰與晤勞者自為歌

望月懷遠

海上生明月天涯共此時情人怨遙夜竟夕起相思滅  
燭憐光滿披衣覺露滋不堪盈手贈還寢夢佳期

詠燕

海燕何微眇，乘春亦暫來。  
豈知泥滓賤，祇見玉堂開。  
繡戶時雙入，華軒日幾迴。  
無心與物競，鷹隼莫相猜。

故刑部李尚書荊谷山集會

嘗聞繼老聃，身退道彌耽。  
結宇倚青壁，疏泉噴碧潭。  
苔石隨人古，煙花寄酒酣。  
山光紛向夕，歸興杜城南。

聽箏

端居正無緒，那復發秦箏。  
纖指傳新意，繁絃起怨情。  
悠揚思欲絕，掩抑態還生。  
豈是聲能感，人心自不平。



奉和聖製早發三鄉行

羽衛森森西向秦山川歷歷在清晨  
晴雲稍卷寒巖樹宿雨能銷御路塵  
聖德由來合天道靈符即此應時巡  
遺賢一一皆羈致猶欲高深訪隱淪

南山下舊居閒放

祇役已云久乘閒返服初塊然屏塵事  
幽獨坐林閭清曠前山遠紛喧此地踈  
喬木凌青靄修篁媚綠渠耳和繡翼鳥  
目暢錦鱗魚寂寞心還閒飄飄體自虛  
興來命

旨酒臨罷閱仙書但樂多幽意寧知有毀譽尚想爭名者誰云要路居都忘下流歎傾奪竟何如

別鄉人南還

橘柚南中煖桑榆北地陰何言榮落異因見別離心吾亦江鄉子思歸夢寐深聞君去水宿結思眇雲林牽綴從浮事遲迴謝所欽東南行舫遠秋浦念猿吟

陪王司馬登薛公逍遙臺

嘗聞薛公淚非直雍門琴竄逐畱遺跡悲涼見此心府

中因暇豫江上幸招尋人事已成古風流獨至今間情  
多感歎清景暫登臨無復甘棠在空餘蔓草深晴光送  
遠目勝氣入幽襟水去朝滄海春來換碧林賦懷湘浦  
弔碑想漢川沉曾是陪遊日徒為梁甫吟

### 西江夜行

遙夜人何在澄潭月裏行悠悠天宇曠切切故鄉情外  
物寂無擾中流澹自清念歸林葉換愁坐露華生猶有  
汀洲鶴宵分乍一鳴

自始興谿夜上赴嶺

嘗蓄名山意茲為世網牽征途屢及此初服已非然日  
落青巖際谿行綠篠邊去舟乘月後歸鳥息人前數曲  
迷幽嶂連圻觸閭泉深林風緒結遙夜客情懸非梗胡  
為泛無膏亦自煎不知于役者相樂在何年

賦得自君之出矣

自君之出矣不復理殘機思君如滿月夜夜減清輝

照鏡見白髮聯句

宿昔青雲志蹉跎白髮年誰知明鏡裏形影自相憐

石倉歷代詩選卷二十九